

INFORMACIJA

O STANJU NA PODRUČJU KANTONA SARAJEVO UZROKOVANO POPLAVAMA U 9:00 SATI

U organizaciji Štaba civilne zaštite Kantona Sarajevo, na inicijativu vlasnika firme „Ans-drive“, dana, 22.5.2014. godine u 06:00 sati, upućen je konvoj pomoći općini Maglaj za otklanjanje posljedica od poplava. Konvoj su sačinjavali: 3 cisterne PVJ Kantona Sarajevo; 2 cisterne KJKP „Rad“; 2 dizalice sa korpom za rad na visinama KJKP „Park“; 2 specijalna vozila „VOMA“ KJKP „Vodovod i kanalizacija“; 3 skip mašine, 1 utovarivač, 2 mini bagera, 1 grejfer dizalica, 8 kamiona, 3 autobusa od firme „Ans-drive“; pripadnici šest DVD Vatrogasnog saveza Kantona Sarajevo, te preko 206 radnika sa ručnim alatom za čišćenje.

Štab civilne zaštite Kantona Sarajevo je u toku jučerašnjeg dana također, angažovao jednu cisternu sa tri čovjeka PVJ Kantona Sarajevo na otklanjanju posljedica od poplava preduzeću „Natron“ u Maglaju, kao i dvije ekipe (jedna od Kristal d.o.o. i jedna od Deratizer d.d.) kao pomoć općini Maglaj u provođenju DDD mjera na prostorima sa kojih se povukla voda.

Štab civilne zaštite Kantona Sarajevo je u toku 22. maja organizovao prevoz (šleper) 4000 lopata (2000 za Kanton Sarajevo, a 2000 za Tuzlanski kanton) iz Goražda, koje je donirala firma Bekto precisa d.o.o.

U organizaciji Općinskog štaba CZ Trnovo, dana 22.05.2014. angažovano je 45 ljudi na otklanjanju posljedica poplava na području općine Olovo.

KJKP „Saarjevogas“ je od 20. do 22.5. 2014. godine angažovao 15 uposlenika na pružanju pomoći u otklanjanju posljedica od poplava na području Konjević Polja, koji će nastaviti sa tim aktivnostima i u narednim danima, dok je organizovao dostavu pomoći u hrani i drugim životnim potrebštinama Konjević Polju i Zenici.

Crveni križ Kantona Sarajevo je skupa sa općinskim organizacijama Crvenog križa u toku jučerašnjeg dana nastavio s aktivnostima na organizovanom prikupljanju pomoći i slanju iste na ugrožena područja širom BiH. Tako je upućena pomoć u hrani, vodi, mlijeku, odjeći, obući, sredstvima za higijenu i drugim potrebštinama) u slijedeće općine: Žepče i Odžak (CK Kantona), Odžak i azil za pse i mačke i higijenski servis u Prači (CK općine Centar), Zenica (CK općine Stari Grad) i Ilijaš (CK općine Maglaj).

Štab je u toku dana u koordinaciji sa općinskim štabovima civilne zaštite nastavio sa aktivnostima na otklanjanju posljedica od poplava i klizišta.

Tako je, Štab civilne zaštite Kantona Sarajevo je u koordinaciji sa općinskim štabovima civilne zaštite i ekipama Zavoda za javno zdravstvo Kantona Sarajevo nastavio sa aktivnostima na preduzimanju neophodnih sanitarno-higijenskih mjera nad područjima koja su bila ugrožena od poplava i klizišta u Kantonu Sarajevo. Pet terenskih Higijensko-epidemioloških ekipa JU Zavod za javno zdravstvo Kantona Saarjevo su stalno na terenu.

Na području općine Vogošća HE ekipe Zavoda izvršile su higijensko-epidemiološko izviđanje na području naselja Jošanički potok, Svrake I i II, Tihovići i Blagovac u ulicama Lug i Nova Željeznička stanica, dok su izvršile dezinfekciju 33 objekta u naseljima: Svrake (5), Gornja Jošanica (2), Mala Ljubina (5), te u ulicama: Braće Kršo (17), Stara željeznička stanica (1), Naila Zeničanina (3).

HE ekipe Zavoda izvršile su higijensko-epidemiološko izviđanje na području općine Novi Grad ugrožena naselja Rajlovac, Reljevo, Doglodi, Dobroševići, Kobiljak i Zabrdje dok su izvršile dezinfekciju 10 objekta. Dezinfekcija nije izvršena u svim objektima jer u svim objektima nisu izvršene adekvatne predradnje. Svi stanovnici dobili su uputstva o predradnjama koje moraju ispoštovati prije dezinfekcije.

Treba reći, da je higijensko-epidemiološkim izviđanjem na općini Novi Grad utvrđeno, da stanovnici ugroženih područja žale se na pojavu miševa, te je zbog toga potrebno izvršiti deratizaciju na svim poplavljenim područjima općine Novi Grad. U ulici Dobroševićka potrebno je provesti preventivne mjere deratizacije u svim privatnim objektima, a u Rajlovačkoj ulici od Autoputa FAR do partizanskog mosta u svim privatnim objektima i ambulanti Rajlovac.

HE ekipe Zavoda za javno zdravstvo Kantona Sarajevo su na području općine Ilidža izvršile higijensko-epidemiološko izviđanje i dezinfekciju u 55 objekata: u ulicama Pijačna (23), Mehe Porobića (1), Tvornička (3), Vlakovo (7), Stara pruga (7), Rakovička cesta (5), Kovačevac (1), Osik (1), Stanjevac (1), Plantaže (2) i Bregovi (2), te dva (2) poslovna objekta (Oner d.o.o. i DVD Osik).

HE ekipe Zavoda, su također, izvršile i distribuciju letaka o mjerama zaštite kojima se sprečava širenje zaraznih bolesti putem zagađene vode i hrane, kao i mjerama koje se odnose na ličnu higijenu, higijenu stanovanja i ishrane na ugroženim područjima preko mjesnih zajednica i volontera Crvenog križa/krsta.

Prema podacima dobivenim od općinskih operativnih centara civilne zaštite, stanje na području svih općina se polako normalizuje, ekipe općinskih službi civilne zaštite su stalno na terenu, prate situaciju, posebno oko klizišta i preduzimaju neophodne mjere na otklanjanju posljedica od poplava i klizišta.

U toku prethodnog dana prijavljeno je **pet pronalazaka neeksplozivnog ubojnog sredstva i to:**

- U 08:10 sati, O.C.Vogošća, Donja Jošanica br.1, više komada municije,
-
- U 09:00 sati, O.C Vogošća, Gornja Jošanica br.1, manja avio bomba,
- U 12:10 sati, KDZ MUP-a, 1 ručna bomba,
- U 12:25 sati, Građanka Asotić Munevera, 1 granata, Semizovac- Nova cesta,
- U 14:40 sati, P.S.Novo Sarajevo, Gornji Velešići 101, 2 ručne bombe.

Informacije o pronalasku NUS-a su prosljeđene Timu za UES Federalne uprave civilne zaštite, čiji pripadnici su preuzeli navedena sredstva u toku jučerašnjeg dana, osim NUS-a iz ul. Gornji Velešići 101, koji će biti preuzet 23. maja 2014. godine.

Profesionalna vatrogasna jedinica Sarajevo je u toku prethodnog dana imala dvije manje intervencije.

Planirane aktivosti na pružanju pomoći općinama na drugim Kantonima:

U organizaciji i koordinaciji Štaba civilne zaštite Kantona Sarajevo sa sindikalnom organizacijom KJKP „GRAS“ u jutarnjim satima 23. maja upućena je grupa od 100

uposlenika navedenog preduzeća na područje općine Zenica-Nemila na pružanju pomoći u otklanjanju posljedica od poplava.

Štab civilne zaštite Kantona Sarajevo je 23.5.2014. godine uputio jednu cisternu sa tri čovjeka PVB Sarajevo na područje općine Maglaj, koji će biti angažovani na otklanjanju posljedica od poplava u preduzeću „Natron“.

Također, 23. maja na području općine Maglaj će biti angažovana mehanizacija i ljudstvo od KJKP i to: 2 cisterne sa ljudstvom od KJKP „Rad“, 1 specijalno vozlo VOMA od KJKP „Vodovod i kanalizacija“ i 1 utovarvač od KJKP „Park“.

Crveni križ Kantona Sarajevo će u toku 23. maja uputiti konvoj pomoći u hrani i odjeći u Konjević Polje.